

55

9. apríl

L Ö G

um breytingu á gjafabréfi hjónanna Helga Þórarinssonar og Höllu Einarsdóttur fyrir hálfri jörðinni Þykkvabæ í Landbroti o. fl. til handa Kirkjubæjarhreppi í Vestur-Skaftafellssýslu.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

Aftan við lið I í gjafabréfi Helga Þórarinssonar og Höllu Einarsdóttur, dags. 13. des. 1913, fyrir hálfri jörðinni Þykkvabæ í Landbroti komi ný málsgrein, svo hljóðandi:

Ábúanda skal þó heimilt, að fengnu samþykki hreppsnefndar Kirkjubæjarhrepps, að veðsetja jörðina til tryggingar lánnum, sem tekin eru til húsabóta og annarra varanlegra umbóta á jörðinni, enda sé um þær lántökur að öllu leyti farið samkvæmt ákvæðum laga nr. 116 frá 30. des. 1943, um ættaróðal og erfðaábúð, og þeim breytingum, er gerðar hafa verið eða gerðar kunna að verða á þeim lögum.

Gjört að Bessastöðum, 9. apríl 1956.

Ásgeir Ásgeirsson.

(L. S.)

Steingrímur Steinþórsson.

56

10. apríl

L Ö G

um veitingu ríkisborgararéttar.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Ríkisborgararétt skulu öðlast:

1. Ahrens, Erlendur Arne, húsasmiður í Reykjavík, fæddur 13. okt. 1913 í Danmörku.
2. Blak Nielsen, Willy, rakarameistari í Reykjavík, fæddur 6. des. 1913 í Danmörku.
3. Brinks, Frode, garðyrkjumaður að Reykjalundi í Grímsnesi, fæddur 16. febr. 1921 í Danmörku.
4. Brückner, Carmen, húsmóðir á Hellu í Rangárvallasýslu, fædd 31. maí 1914 í Frakklandi.
5. Brückner, Karl Helmut, dýralæknir í Rangárvallasýslu, fæddur 17. okt. 1915 í Þýskalandi.
6. Christiansen, Einar Daniel Jakob Garðshodn, smiður í Reykjavík, fæddur 8. febr. 1926 í Færeyjum.

7. Devulder, Jutta Georgette Anni, húsmóðir í Hafnarfirði, fædd 26. júlí 1931 í Þýzkalandi. Fær réttinn 18. júlí 1956. 10. apríl
8. Erik Örn Gíslason, verkamaður í Reykjavík, fæddur 30. marz 1922 í Danmörku.
9. Fender, Marie Anna, húsmóðir í Reykjavík, fædd 17. júlí 1910 í Þýzkalandi. Fær réttinn 25. apríl 1956.
10. Fick, Maria Elisabeth, húsmóðir í Hrísdal í Miklaholtshreppi í Snæfellsnessýslu, fædd 19. febr. 1925 í Þýzkalandi.
11. Filbert, Karl William Johansen, málari í Reykjavík, fæddur 5. des. 1919 í Danmörku.
12. Gandil, Ernst Wally, nemandi í Reykjavík, fæddur 17. marz 1938 í Danmörku.
13. Gandil, Hedda Louise, simastúlka í Reykjavík, fædd 17. ágúst 1933 í Danmörku.
14. Gotfred, Berthina, ráðskona í Reykjavík, fædd 24. des. 1907 í Færeyjum.
15. Hannes Jón Sigurður Sigurðsson, barn í Reykjavík, fæddur 14. jan. 1950 á Íslandi.
16. Hansen, Eskild Henrik, verkamaður í Sandgerði, fæddur 1. sept. 1920 í Færeyjum.
17. Hansen, Robert Goldberg, matsveinn í Reykjavík, fæddur 11. okt. 1931 í Danmörku.
18. Holm, Flemming, cand. oecón., Reykjavík, fæddur 16. júní 1928 í Færeyjum.
19. Hovgaard, Karl Frithjof, skósmiður á Akureyri, fæddur 21. nóv. 1924 í Færeyjum.
20. Isaksen, Niclas Anthon Christian, vélstjóri, Njarðvíkurhreppi, fæddur 27. maí 1918 í Færeyjum.
21. Johannesen, Peter Herluf, verkamaður á Fáskrúðsfirði, fæddur 13. júní 1929 í Færeyjum.
22. Jensen, Carlo Marinus, vefari á Álafossi, fæddur 18. okt. 1918 í Danmörku.
23. Jensen, Jón Harry, sjómaður, Sandhólaferju, Djúpárhreppi, Rangárvallasýslu, fæddur 7. nóv. 1939 í Danmörku.
24. Jensen, Leif Guido, verkamaður í Reykjavík, fæddur 1. jan. 1939 í Danmörku.
25. Kissmann, Dorothea, húsmóðir í Hörgsdal á Síðu í Vestur-Skaftafellssýslu, fædd 24. maí 1926 í Þýzkalandi. Fær réttinn 11. sept. 1956.
26. Körner, Anneliese Ruth, húsmóðir á Hellu í Rangárvallasýslu, fædd 29. jan. 1929 í Þýzkalandi.
27. Meckle, Olga, húsmóðir í Höfn í Hornafirði, fædd 5. júlí 1925 í Þýzkalandi.
28. Mikulcak, Miroslav Randolph, forstjóri í Reykjavík, fæddur 10. sept. 1927 í Tékkóslóvakíu.
29. Müller, Erna, húsmóðir á Signýjarstöðum í Hálsasveit í Borgarfjarðarsýslu, fædd 24. júlí 1931 í Þýzkalandi.
30. Müller, Kurt Heinrich Friedrich, járnsmiður, Seltjarnarnesi, fæddur 25. nóv. 1921 í Þýzkalandi.
31. Nagel, Hans Peter, nemandi í Reykjavík, fæddur 21. okt. 1937 í Þýzkalandi.
32. Nielsen, John Fog, verkamaður, Felli í Mosfellssveit, fæddur 31. ágúst 1933 í Danmörku.
33. Olsen, Martin Kornelius, sjómaður í Vestmannaeyjum, fæddur 30. nóv. 1907 í Noregi.
34. Poulsen, Jens, bifreiðarstjóri í Borgarnesi, fæddur 9. okt. 1924 í Færeyjum.
35. Poulsen, Joen Hilmar, sjómaður, Vopnafirði, fæddur 5. ágúst 1926 í Færeyjum.
36. Riba, José Magrina, hljóðfæraleikari, Kópavogi, fæddur 2. okt. 1907 á Spáni.
37. Riba, Pedro Magrina, nemandi, Kópavogi, fæddur 22. okt. 1935 á Spáni.
38. Thorsteinsen, Johannes Andreas Edmund, verkamaður í Njarðvíkurhreppi, fæddur 24. okt. 1924 í Færeyjum.
39. Welding, Dagny, húsmóðir í Reykjavík, fædd 13. nóv. 1926 í Eistlandi.

56

10. apríl

2. gr.
 Þeir, sem heita erlendum nöfnum, skulu þó ekki öðlast íslenzkan ríkisborgara-
 rétt með lögum þessum fyrr en þeir hafa fengið íslenzk nöfn samkvæmt lögum um
 mannanöfn.

Lög þessi öðlast þegar gildi.

3. gr.

Gjört að Bessastöðum, 10. apríl 1956.

Ásgeir Ásgeirsson.

(L. S.)

Bjarni Benediktsson.

57

10. apríl

L Ö G

um prentrétt.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með sam-
 þykki mínu:

I. KAFLI

Almenn ákvæði.

1. gr.

Rit samkvæmt lögum þessum telst hvert það rit, sem prentað er eða letrað á
 annan vélrænan eða efnafræðilegan hátt. Til rita teljast og uppdrettir, teikningar
 og myndir, þótt ekki sé á letrað mál, svo og nótur, ef letrað mál fylgir.

2. gr.

Ákvæði laga þessara taka einungis til rits, sem gefið hefur verið út. Rit telst
 vera gefið út hér á landi, þegar það hefur verið afhent til sölu eða dreifingar á
 annan hátt.

3. gr.

Útgefandi rits, sem prentað er hér á landi, skal nafngreina sig á hverju ein-
 taki þess.

Ef útgefandi ræður ritstjóra, einn eða fleiri, að riti, skal hver þeirra einnig
 nafngreina sig á ritinu.

Nú er nafngreining samkvæmt 1. eða 2. málsg. vanrækt eða rangt frá skýrt, og
 varðar það sektum eða varðhaldi, ef miklar sakir eru.

II. KAFLI

Prentarar og prentsmiðjur.

4. gr.

Hverjum þeim, er starfrækir prentsmiðju hér á landi eða starfsstöð, þar sem
 rit eru letruð með öðrum þeim hætti, er getur í 1. gr. laga þessara, er skylt, í síð-
 asta lagi tveim vikum áður en nokkurt rit er látið af hendi úr prentsmiðjunni, að
 tilkynna lögreglustjóra í umdæminu starfrækslu prentsmiðjunnar, nafn sitt eða firma